



De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

21 Quantum teneatur restituere, qui modum iustæ defensionis exceſit.

[urn:nbn:de:hbz:466:1-72459](#)

D V B I T A T I O X X I .

Quantum teneatur restituere, qui modum iustæ defensionis exceſſit.

133
Prouocatus non tenetur.

R Epondeo, & Dico Primò, Qui ab altero fuit prouocatus ad pugnam, etiam si modum forte excedit, non tenetur ad restitutionem. ita multi recentiores. Ratio est; Quia prouocans videtur ei condonare, dum facit ei potestatem, ut contra se agat quod poterit. Idem docet Bañes qu.62.art.2. dub.5. vbi dicit, eum qui voluntarie se exponit periculo, prouocando alterum ad certamen, si occidatur, non esse iniustum occisionem respectu illius, sed solum respectu Reip. vel Dei, qui est Dominus specialis vitæ. & paulo antea dicit, talem renuntiare iuri suo, etiam si in damnum filiorum id cedat. Idem videtur dicendum, quando duo prouocant se vicissim, & pari consensu pugnam agrediuntur.

134

Dico Secundò, Qui inuidatur ab altero sine prouocatione, si iustum moderationem notabiliter excedat, ita ut mortiferè peccet occidendo suum inuasorem, tenetur integrè damna compensare. Ita docet Nauar. c.15.n.27. & plerique hoc tempore. Ratio est; Quia qui ita occidit, facit alteri iniuriam, & est causa totius damni: sic ut si dolo vel latè culpè est alteri causa damni.

Dices, Qui alterum iniustè aggreditur aperta vi, vel ex infidiis, & occidit, maiorem infert iniuriam, quam qui inuidus, & rei indignitate commotus, occidit aggressore: ergo ad maiorem tenetur restitutionem.

Resp. negando conseq. Non enim quantitas restitutionis, ex iniuria quantitate æstimanda est, sed ex quantitate damni per iniuriam mortiferam illati. itaque cum hic interueniter iniuria, qua sit peccatum mortiferum, integrè damnum sarcendum est. Secus est in pœna, hæc enim responderi iniuria, non damno: vnde vbi maior fuit iniuria, maior quoque pœna est irroganda.

135
Probabiliter inuidus non tenetur ad restitutionem integrum.

Aduerte tamen, quoddam DD. ob argumentum prædictum docere, eum qui modum iusta defensionis excedit, non teneri tantumdem restituere, quantum aggressorem, qui ex infidiis vel aperta vi occidit; sed multò minus. Ita Angelus, Restitutio 1.9. Homicida, Siluestri, Restit. 3. quæst.2. & Gomezius tom.3.cap.3.num.38. Idem docet Sotus lib.4.de Iustit. q.6.a.3.ad tertium. Vbi notandum est, Siluestri non loqui de pœna propriè dicta, (ut Nauarrius cum exponit) sed de restitutione damnorum, quam vult fieri iudicio boni viri: de qua etiam aperte Gomezius & Angelus. Quia sententia mihi videtur probabilis, & consentanea æquitati naturali. et si enim damnum illud par sit, siue hoc, siue illo modo illatum sit; & compensatio non sit æstimanda ex indignitate rei, vel magnitudine iniuria; tamen is qui alterum inuidit, videtur ex parte amittere ius ad compensationem damni: nam sibi ipsi est causa mali, alterum iniustè inuidendo. quare si occidatur vel lædatur, sibi ex parte debet imputare. Deinde difficultatum est, iustum temperare dolorem, vt ait Angelus. Quare æquitas naturalis videtur postulare, vt non tam seuerè teneatur omnia damna rependere; idque communis humani generis sensus approbat videtur.

Dico Tertiò, Qui inuidus ab altero, potest fugere, vel aliter declinare, et si id non faciat, sed de- ¹³⁶ *Qui potest* bita moderatione, se vel sua defendens occidat in-*fugere*. usorem; non tenetur ad restitutionem.

Probatur, Quia non peccavit contra iustitiam, sed solum contraria charitatem, vt ostensum est super dub.15. & 16. non enim ex iustitia tenebatur fugere, vel à via declinare.

Confirmatur, Quia nemo ex sua malitia, qua vult alterum inuidere, acquirit Ius in illum, quo illum obliget ad fugam, ita ut nisi fugiat, vel patiatur se interfici, censetur ipse facere iniuriam: sed solum tenetur fugere ex charitate, si sine honoris dispendio poslit: & Ecclesiasticus tenetur etiam lege religionis: ne videlicet non fugiendo, aliquid committat, quod sanctitatem status ipsius dedecet, lege tamen iustitiae non magis tenetur quam secularis.

Dico Quartò, Idem omnino dicendum de eo, ¹³⁷ qui alium contumeliam, vel alia iniuria afficit; si ab illo inuidus, iusta ratione se tueatur, & illum occidat, non tenetur ad homicidij compensationem. est contra Nauar. cap.15.num.7. ita tenet Nauarra lib.2.c.3.n.362. ex Siluestro & Mercato. Colliguntur ex dictis suprà dub.15.

Probatur, Quia is qui iniuriam alteri intulit, si inuidatur ob contumeliam illam illam. *Qui inuidatur ob contumeliam illam illam.* ergo si eum occidat, non facit ei in hoc iniuriam. Confirm. Quia inuidus non habet ius iustitiae in alterum, ut ille se non defendat; neque etiam ut fugam capessat: sed solum ut satisfactionem pro iniuria offerat. ergo si moderatione debita se defendens occidat inuidorem, non facit contra ius ipsius; ac proinde non peccat contra iustitiam: sed habet se illa occisio tamquam per accidens, & mediante alterius malitia prouenientis, occasione operis iniuriosi. vt si quis seipsum occideret præ impatientia, quia domum eius succendi, non censeret ego idcirco homicidia: nam ista actio iniuriosa, non est verè iniuriosa, respectu occisionis, per accidens ex ea prouenientis, sed solum est contra charitatem, vt suprà dubit.16. num.112. ostensum. vnde nec obligat ad restitutionem, causa mortis illata.

D V B I T A T I O X X I I .

Utrum quando homicida sustinuit pœnam talionis, debeat fieri damnorum compensatio.

S Vmma Rosella, Restitutio 3. & quidam recentiores dicunt tunc non deberi aliam compensationem; quod etiā videtur sentire Scotus dist.15. q.3.art.2. Gabriel ibidem quest. 15.art.2 Angelus Restitut. 1.9. Homicida; Adrianus quest. vlt. de Restitut.

Respondeo, Verius est, in rigore omnia damna ex homicidio secura, ex bonis homicidæ sarcenda. Ita Nauar. cap.15.n.25. Couarr. lib.2. Variar. cap.10.n.7. circa medium. Gomez. tom.3. cap.3. num.37. & alij. Ratio est; Quia pœna infligitur à Iudice, non ut damnum parti læsa compensetur, sed ut in iuria Reipub. & legibus illata vindicetur, aliisque terror incutiatur. Vnde etiam ea crimi-